

Broj: 03-04-1037-17/24  
Sarajevo, 18.06.2024. godine

**PARLAMENT FEDERACIJE BOSNE I HERCEGOVINE**

**Zastupnički dom**

n/p gosp. Ivanu Miličeviću, tajniku ✓  
n/p gosp. Mirzi Bataloviću, zastupniku

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primijeno: 19-06-2024			
Org. jed.	Broj	Priloga	Vrijednost
05/1	-02-	334	124

Predmet: Odgovor na zastupničko pitanje

Poštovani,

Sukladno članku 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u svezi sa člankom 116. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br: 69/07, 2/08, 26/20 i 13/24), u privitku Vam dostavljam akt Federalnog ministarstva za pitanja branitelja i invalida domovinskog rata - Federalnog ministarstva za pitanja boraca i invalida odbrambeno-oslobodilačkog rata, broj: 05-02/2-2121/24 od 11. lipnja 2024. godine i akt Federalnog ministarstva rada i socijalne politike, broj: 01-02/2-1503/24 SK/EP od 13. lipnja 2024. godine, koji se odnose na zastupničko pitanje zastupnika Mirze Batalovića.

S poštovanjem,



Privitak: kao u tekstu

Broj: 05-02/2-2121/24  
Sarajevo, 11.06.2024.godine

**BOSNA I HERCEGOVINA**  
**FEDERACIJA BOSNE I HERCEGOVINE**  
**VLADA**  
**SARAJEVO**

**N/r dr. sci. Edita Kalajdžić, sekretar**

Veza: Vaš akt broj: 03-04-1037-17/24 od 05.06.2024. godine

**PREDMET: Odgovor na zastupničko pitanje, dostavlja se,-**

Poštovani,

Mirza Batalović, zastupnik u Zastupničkom domu Parlamenta Federacije BiH na 11. redovnoj sjednici Zastupničkog doma Parlamenta Federacije BiH održanoj 28.05.2024. godine, postavio je pitanje koje glasi:


„ko je eksplicitno nadležan za tu kategoriju ljudi dakle, civilne žrtve rata da li je to Ministarstvo za rad i socijalnu politiku ili Ministarstvo za boračka pitanja?“

U vezi sa navedenim zastupničkim pitanjem dajemo sljedeći odgovor:

Članom 11. Zakona o federalnim ministarstvima i drugim tijelima federalne uprave („Službene novine Federacije BiH“, br. 58/02, 19/03, 38/05, 2/06, 8/06, 61/06, 52/09, 80/10-odluka US i 48/11), propisano je da Federalno ministarstvo rada i socijalne politike vrši upravne, stručne i druge poslove utvrđene u zakonu koji se odnose na nadležnosti Federacije u oblasti: socijalne politike, rada, penzijskog i invalidskog osiguranja, i to: politiku rada i zapošljavanja, radne odnose i prava iz radnog odnosa, zaštitu na radu; penzijsko-invalidsko osiguranje; međunarodne konvencije u skladu sa Ustavom Bosne i Hercegovine, ugovori i bilateralni sporazumi iz oblasti rada i zapošljavanja; socijalnu sigurnost i solidarnost, zaštitu civilnih žrtava rata; zaštitu porodice, usvojenje i starateljstvo; socijalnu zaštitu i druge poslove utvrđene zakonom.

S poštovanjem

Dostavljeno:  
1. Naslovu;  
2. a/a.



Broj: 01-02/2-1503/24 SK/EP  
Sarajevo, 13.06.2024. godine

**BOSNA I HERCEGOVINA**  
**FEDERACIJA BOSNE I HERCEGOVINE**  
**PARLAMENT FEDERACIJE BOSNE I HERCEGOVINE**  
**PREDSTAVNIČKI DOM**  
n/r gđin. Ivan Miličević, sekretar  
n/r gđin Mirza Batalović, zastupnik

BOSNA I HERCEGOVINA  
FEDERACIJA BOSNE I HERCEGOVINE  
**VLADA**  
Sarajevo

**VLADA FEDERACIJE BOSNE I HERCEGOVINE**  
n/r gđa. Edita Kalajdžić, sekretar

PRIMLJENO: 14.06.2024			
Organizaciona jedinica	Klasifikaciona oznaka	Redni broj	Broj priloga
03-04-1037-17/2024			

**PREDMET: Zastupničko pitanje, dostavlja se-**

**Veza:** Akt sekretara Predstavničkog doma Parlamenta Federacije Bosne i Hercegovine, broj: 05/1-02-334/24 od 03.06.2024. godine i akt sekretara Vlade Federacije Bosne i Hercegovine, broj: 03-04-1037-17/24 od 05.06.2024. godine

Poštovani,

U vezi sa zastupničkim pitanjima, koje je postavio gđin. Mirza Batalović, zastupnik u Predstavničkom domu Parlamenta Federacije Bosne i Hercegovine na 11. redovnoj sjednici Predstavničkog doma Parlamenta Federacije Bosne i Hercegovine, održane 28.05.2024. godine, koja glase: „Ko je eksplicitno nadležan za kategoriju civilnih žrtava rata, da li je to Ministarstvo za rad i socijalnu politiku ili Ministarstvo za boračka pitanja i kada će se uvećati invalidnine za ovu kategoriju ljudi.“ U vezi sa navedenim dajemo sljedeći odgovor iz okvira nadležnosti Federalnog ministarstva rada i socijalne politike: Zastupnik navodi da mu se „obratile jedna grupa ljudi koja predstavlja civilne žrtve rata koji se bore za neka svoja prava da ostvare koja su im trebala biti zagarantovana kada smo usvojili onaj zakon koji se tiče tih kategorija. I prvo sa čime se susreću sa problemom jeste da kada se obrate Ministarstvu za rad i socijalnu politiku da ih oni upute na Ministarstvo za boračka pitanja“. Primjedba je neprecizna pa je teško dati odgovor na istu. Međutim, odgovorno tvrdimo da nijedna civilna žrtva rata nije vraćena iz Ministarstva ako se obratila sa pitanjem koje je u nadležnosti ovog Ministarstva. Treba imati u vidu da stranke u traženju rješenja za svoje probleme često ne razumiju pitanja nadležnosti i tada se trudimo dati im što jasnije upute. Komentar da smo trebali osigurati prava civilnih žrtava rata, a da ispada da to nismo uradili nije utemeljen, tim prije što se radi o pitanju koje je, shodno Ustavu Federacije BiH, u zajedničkoj nadležnosti Federacije BiH i kantona. Federacija ispunjava sve svoje Zakonom propisane obaveze prema populaciji civilnih žrtava rata, ali stranke često očekuju da Federacija poduzme mjere u situacijama ako kantoni ne ispunjavaju svoje obaveze u

obimu i na način koji stranke očekuju. Na primjer, pravo na pomoć u pokrivanju troškova sahrane civilnih žrtava rata je u nadležnosti kantona, gdje kantoni shodno svojim mogućnostima planiraju sredstva za te namjene. Federalnom ministarstvu rada i socijalne politike se obraćaju stranke koje očekuju da ovo ministarstvo uređuje po tom pitanju, za šta nemamo zakonski osnov, a sam Zakon je jasno propisao nadležnost. Također, Ministarstvo za pitanja boraca ima transfer za podršku u liječenju za svoju populaciju. Civilne žrtve rata se obraćaju ovom Ministarstvu s namjerom da apliciraju na taj transfer. Takvih prilika je bilo gdje smo nakon uvida šta stranke traže, iste uputili na pravu adresu gdje mogu predati aplikaciju, i to je jedino što smo u okviru Zakona mogli poduzeti.

Što se tiče primjedbe o usklađivanju iznosa naknada civilnim žrtvama rata i da iste nisu uvećane od 2009. godine podsjećamo da se, shodno Zakonu o zaštiti civilnih žrtava rata u Federaciji BiH („Službene novine Federacije BiH“ broj 60/23), osnovica i mjesečni iznosi novčanih primanja korisnika prava civilnih žrtava rata i njihovih porodica usklađuju identično kretanju invalidnina boraca i članova njihovih porodica i iznosi 70% osnovice korisnika boračko-invalidske zaštite. Osnovica za boračke naknade utvrđuje se svake godine po Zakonom propisanoj formuli. Svjesni smo da su ti iznosi nedovoljni i da nisu adekvatno usklađivani sa inflatornim posljedicama, ali stanje u zaštiti civilnih žrtava rata vezuje se za stanje u zaštiti boračke populacije, a samo pitanje obima zaštite boračke populacije i populacije civilnih žrtava rata je u domenu opredjeljenja Parlamenta i Vlade Federacije BiH.

S poštovanjem,

**Dostavljeno:**

- naslovu
- a/a

